

HEZKUNTZA 03

Hemen doazkizue on Jose Mariaren beste pentsamendu batzuk.

Oraingo honetan, eta hirugarrenez, hartu ditugu HEZKUNTZA balioa jorratzen duten pentsamenduak. Bertan ikus dezakegu nolako garrantzia ematen zion Arizmendiarrietak balio horri, pertsonaren eraldaketarako, bere garapen eta duintasunerako, demokrazia eta orden berri bat lortzeko. Buruan jarri dugun pentsamenduak aztertzen ditu pertsonaren heldutasuna eta prestakuntza, batez ere.

Arreta polarizatua, nortasunaren formazioa, norbere buruaren kontrola, prestakuntza teknikoa, indar moralak, kontzientzia soziala arretaz zaindu behar dira gaur egun niaren oreka mantendu eta bizitzan galdutako eta bereizitako tanta baten antzera arrastatuta izatea nahi ez bada. 139

Beste pentsamendu batzuk:

Gizakiak gizaki jaio baino, hezkuntza prozesu baten ondorioz egiten gara gizaki, hezkuntza prozesua bere esanahi zabalenean hartuta, hau da, ezagutza batzuen eta esperientzia baten ondorioz. 173

Bere duintasunaz ohartzen den edo besteen menpe egon nahi ez duen gizakiak edo herriak bere inteligentziaren eta bere borondatearen lanketa eta garapena bultzatu behar du, ezer baino lehen. 202

Bizitzea borrokatzea da, nahi ala nahi ez. Izan ere, jakiteko borroka egin behar da, ahal izateko borroka egin behar da, maitatzeko borroka egin behar da, eta ahalmenak garatzeko, zerbait izateko, borroka egin behar da. 236

Gizakia hezkuntzaren bidez eraldatzea eta prestatzea saihestu ezin den aurrekontua da edozein koiunturatan eta egitura sozial guztietako kasu guztietan. 188

Aurreikuspenik emankorra eta errentagarria da gizakiak egiteko erabil dezakeguna, gizaki horien gainean eraiki eta altxatu baitaitezke herri osasuntsuak. 207

Gure gizakien talentua aprobetxatzea, haien egoera ekonomiko pertsonala edo familiarra alde batera utzita, ezinbesteko premisa da ordena sozial gizatiarrago eta kristauago bat eratzea bideratutako edozein ekintza sozialetarako. 203

Gizarte osasuntsu bat hauxe da: gizarte bat non bakoitza bere merituen arabera bizi den eta gero eta zailagoa den inoren kontura bizitzea. 443

Komunitate batek dinamikoa izateko, mota guztietako ekimenak izateko daukan modurik hoberena goi ahalmenak lantzeko moduan dauden guztiei aukera zabalak ematea da. 208

Jakintza boterea da eta boterea demokratizatzeko alde aurretik jakintza sozializatu beharra dago. Ez dugu ezer egiten eskubideak aldarrikatuta gero eskubideak onartu dizkiegun gizakiak beren burua administratzeko gai ez badira, zerbait egin ahal izateko ezinbesteko diren gutxi batzuegana jotzea baino ez badute. 193

Kulturaren sozializazioaren ondoren ondasunen sozializazioa dator ezinbestez, baita boterearena ere; esango genuke herri baten demokratizaziorako eta aurrerapen ekonomiko eta sozialerako alde aurretik bete beharreko baldintza dela. 186

Beharrezkoa da aberastasuna berriz banatzea, baina are beharrezkoagoa da kulturaren sozializazioa, lanaren benetako humanizazioan pentsatu ahal izateko. 204